

Dit is weer Pinkstertyd in Stellenberg!



Deur: Ds. Why Duvenhage

Ja, inderdaad! Een van die groot hoogtepunte op ons kerkprogram elke jaar, is ons Pinksterbyeenkomste. Dit is 'n tyd van stilword, terwyl ons nadink oor die groot en belangrike rol wat die Heilige Gees in ons eie lewens, en in ons gemeente se bediening speel. Ons ervaar dan opnuut hoe die Gees, wat met Pinkster uitgestort is, ons besiel en saamsnoer om God met krag en entoesiasme te kan dien! Dit is 'n tyd vir geestelike voorraadopname, belewing en herlewing en gebed! [Lees meer . . .](#)

'n Lewe deur die Here gerig - Bernie sê koebaai

Lidmate wat die kerkterrein of -kantoor gereeld besoek, het waarskynlik al met Bernie van Wyk, terreinwerker, kennis gemaak.

Die lang, skraal man met die gemaklike glimlag, sagte oë en lekker welige snor is sedert 2006 werklik almal op die terrein en in die kantoor se linker- en regterhand. Of dit nou die basaar, feesmark, 'n begrafnis, of voorbereiding vir die nagmaal is – Bernie van Wyk weet waar alles is en kan sy hand op enige iets wat soek is, lê, maar vanjaar het hy sy 65ste verjaarsdag gevier en moet noodgedwonge die tuig neerlê.

[Lees meer . . .](#)



Ontmoet die Van Zyl-droomspan



Die Van Zyl-gesin is Sondag na Sondag al vroeg soggens aan die weskaf op die kerkerrein om seker te maak dat die gemeente se bedrywighede elke Sondag vlot verloop. Ma Susan is die koster en saam met haar beman, Charlene, haar dogter, elke Sondag die teetuin en voor die Covid-19-pandemie was Charlene ook een van die gasvrouens by die kafeteria. Ruan en Charl, die twee broers los mekaar Sondae as baristas agter die cappuccino-masjien af. Stellenberger het by die klomp flukse van Zyl's wat 'n uitsonderlike voorbeeld van samewerking en spanwerk stel, gaan inloer. [Lees meer . . .](#)

Ons verwelkom twee nuwe personeellede



Ons verwelkom vir Marlise du Toit (foto links) as die nuwe finansiële bestuurder van die gemeente. Marlise het voorheen die finansiële bestuur van 'n ingenieursfirma behartig en is sedert Aprilmaand voltyds in diens van die gemeente. Sy en haar gesin woon in Vredeklouf.

Karen Visagie (foto regs) is moontlik vir heelwat lidmate 'n bekende gesig. Sy en haar man, Poena, was voorheen betrokke by die aanbidding van die basaar en veral die Vosburg Karooskuier. Karen is aangestel as die nuwe geleentheidskoördineerder van die gemeente en is voortaan verantwoordelik vir die reël van die feesmark asook ander gemeentefunksies.

Sal ons ou kollegas ooit vergeet . . .



Op Woensdag 21 April het ons van nie minder nie as vier kollegas afskeid geneem. Bernie van Wyk, Marilize Verreyne (links) en Marguerite Bester (middel) het aftreeouderdom bereik en moes die tuig neerlê. Adri du Randt (regs) het besluit om haar taak as feesmarkorganiseerder vir die van dagmoeder te verruil. Sedert die begin van die jaar behartig sy die versorging van haar kleinkinders. Ons wens elkeen van julle baie seën en voorspoed in die nuwe lewensfases toe.



Erna – ’n vriendin, ’n geskenk

Deur: Riëtte Breytenbach

My en Marius se eerste ontmoeting met Bremer en Erna was in 2004 op Kleinmond. Dit was ons eerste gemeente en ons het pas gehoor die standplaasruiling van predikante tussen Stellenberg, Kleinmond en die Paarl is goedgekeur deur die verskillende kerkrade – ons trek dus Stellenberg toe. Bremer en Erna het kom aanklop om solank welkom te sê in Stellenberg. Soos ons mekaar uitvra oor belangstellings, kinders en dies meer, verklaar Bremer: "Erna is ’n érnstige stapper." [Lees meer . . .](#)

2022: ’n Splinternuwe fase vir Stellenberg-gemeente

Deur: Ds. Marius Breytenbach

In Augustus 2021 vier ons Stellenberg-gemeente se 50ste verjaarsdag. In die loop van die halfeeu het

die gemeente die voorreg gehad om deur 'n verskeidenheid predikante en hulle gesinne bedien te word. Met die aanvang van 2022 betree Stellenberg 'n nuwe era wanneer twee van ons predikante, di. Callie Visagie en Why Duvenhage beide aftree. Callie Visagie sal teen einde Januarie 2022 die gemeente se diens verlaat en Why Duvenhage se uittrede volg teen die einde van Julie 2022. [Lees meer . . .](#)

Stellenberg verbind om medewerkers te ondersteun



Deur: Ds. Why Duvenhage

Jesus se opdrag is duidelik! Sy dissipels en kerk moet sy boodskap oor die hele wêreld heen uitdra. Die sogenaamde wêreld begin hier by ons en om ons, maar strek ook verder sodat ons ander en andersters, met die blye evangelieboodskap kan beïnvloed. Dit is immers een van die kerk en ook gemeentes se belangrikste bestaansredes. Daarom identifiseer Jesus sy volgelinge – diegene wat burgerskap in die koninkryk van God verkry het – as sout vir die aarde en die lig vir die wêreld. Hoe moet die opdrag aangepak word? Deur die liefde van God op enige manier sigbaar en tasbaar te reflekteer.

[Lees meer . . .](#)

Pastoor Joseph se sokkombuis



Pastoor Joseph Mutukulu, verbonde aan die Elohim Ministries in Wesbank, bedien sedert die landswye inperking in 2020 afgekondig is, weekliks in die Wesbank- asook Kalkfonteinwoongebiede inwoners met sop en kos. Pastoor Joseph bedank Stellenberg-gemeente vir die gemeente se volgehoue ondersteuning van sy voedingsprojekte:


Thank you very much for the ongoing support we receive from Stellenberg en pastor Why. We have been feeding more than 300 people by the grace of God in Wesbank and more than 500 people in Kalkfontein. We thank God for Stellenberg's support in food, transport and finance. Our biggest challenge is transport. May God bless you.

Die gemeentebediening bly vlugvoetig

Deur: Ds. Marius Breytenbach

Net soos by ander instansies en besighede het die Covid-19-pandemie ook ons gemeente die afgelope jaar ingrypend geraak. Alhoewel dit 'n baie uitdagende tyd was en steeds is, het al die ervarings van die afgelope jaar tog ook nuwe geleenthede vir ons geskep en veral opnuut insig rakende ons gemeentewaardes gebied: Om nader aan God en mekaar te leef, voortdurend te vernuwe en met 'n verskil in die wêreld te leef.

[Lees meer . . .](#)



Die potte prut in die omgeekombuis



Ons getroue span in die Omgeekombuis is van links: Anette Palm, Elsabé Gailey, Elaine van den Heever, Petro Marais, Marina Fourie en Christine Morsbach. Die span kook weekliks etes vir Magdalene huis in Boston, Bellville asook die JAM-span by die Apostelbattery-kampterrein.



Het Covid-19 ons kinders se luistervaardighede beïnvloed?

Deur: Jacolien Kruger*

Die meerderheid van ons is nou waarskynlik behoorlik moeg vir die woorde Covid-19-pandemie. Wanneer daar enige berig oor Covid-19 op 'n sosialemediaplatform verkyn, maak ek seker dat ek dit mis en beweeg doodluiters na 'n meer inspirerende prentjie, of kyk liever na 'n video oor katjies. Die feit bly egter staan dat al vermy ons Covid-19-nuus sover moontlik, gaan die nagevolge van dié tydperk nog lank deel van ons en ons kinders se lewens wees. [Lees meer . . .](#)

h.v. Edelweissweg en Mountain Viewrylaan | Eversdal, Wes-Kaap
7550 ZA

www.stellenberg.co.za

Share this email:



[Manage](#) your preferences | [Opt out](#) using **TrueRemove™**

Got this as a forward? [Sign up](#) to receive our future emails.

View this email [online](#).

h.v. Edelweissweg en Mountain Viewrylaan
Eversdal, Wes-Kaap | 7550 ZA

This email was sent to .

To continue receiving our emails, add us to your address book.

[Subscribe](#) to our email list.